

Ár 1973, mánudaginn 3. desember, var í málínu nr. 53/1973 kveðinn upp af Yfirlasteignamatsnefnd svohljóðandi

ú r s k u r ð u r :

Málavextir eru þeir, að Akureyrarkaupstaður hefur lagt fasteignaskatt á eftirtaldar eignir Rafmagnsveitna ríkisins á Akureyri:

1. Grímseyjargata (staðgr. 600.668.205), sem í fasteignamati er metin á kr. 697.000,-.
2. Laufásgata 4 (staðgr. 600.668.211), sem í fasteignamati er metin á kr. 338.000,-.
3. Laufásgata 6 (staðgr. 600.668.212), sem í fasteignamati er metin á kr. 193.000,-.
4. Óseyri 9 (staðgr. 600.487.505), sem í fasteignamati er metin á kr. 812.000,-.

Rafmagnsveitur ríkisins hafa neitað greiðslu fasteignaskatts fyrir árin 1972 og 1973 og bera þar fyrir sig ákvæði 77. gr. orkulaga nr. 58/1967. Af þessu tilefni hefur Akureyrarkaupstaður ritað Yfirlasteignamatsnefnd bréf, dags. 12. nóvember 1973, og óskað úrlausnar nefndarinnar um skyldu Rafmagnsveitna ríkisins til að greiða fasteignaskatt af fyrrgreindum eignum.

Að visu er það meginregla 3. gr. laga nr. 8/1972 um tekjustofna sveitarfélaga, að greiða skuli fasteignaskatt af öllum fasteignum, sem metnar eru í fasteignamati, og ekki eiga undanþáguákvæði 5. gr. sömu laga hér heldur við. Á hinn böginn verður ekki talið, að með lögum þessum, sem setja almennar reglur um fasteignaskatt til sveitarfélaga, hafi verið tilætlunin að hagga við undanþágum einstakra nafngreindra fyrirtækja samkvæmt sérstökum lögum, bótt eldri séu en tekjustofnalögin.

77. gr. orkulaga nr. 58/1967 er svohljóðandi:

„Orkustofnun, Rafmagnsveitur ríkisins, Rafmagnseftirlit ríkisins, Orkusjóður og jarðboranir ríkisins eru undanþegin tekju-skatti, útsvari, aðstöðugjaldi, stimpilgjaldi og öðrum sköttum til ríkis, sveitar- og bæjarfélaga“.

Líta verður svo á, að ákvæði petta taki til fasteignaskatts, og eru Rafmagnsveitur ríkisins því samkvæmt framansögðu undanþegnar fasteignaskatti af umræddum fasteignum.

Ú R S K U R Þ A R O R Ð :

Rafmagnsveitum ríkisins er eigi skylt að svara fasteignaskatti af ofangreindum fasteignum.

~~Gaukur Jörundsson~~

Gaukur Jörundsson

Torfi Asgeirsson

~~Pálmi Jonsson~~

Pálmi Jonsson